

DEO OPTIMO MAXIMO UNI ET TRINO.

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA.*

CARDINALITIIS DISPUTATIONIBUS

mandè discutienda in Scholis Medicorum, die Martis vigesima-quinta mensis
Martii, anno Domini MDCC, LXXVII.

M. JOANNE-BAPTISTA LANGLOIS, M. LUDOVICI-
MARIAE POUSSE, Equitis, Censoris Regii, vices gerente,
Doctore Medico, Præside.

An prolem lactare Matribus saluberrimum?

I.



CE MINA non tam sibi, quàm procreandis educandisque liberis
nata. Vix dùm bis septem complevit annos, hanc mox fore viro
maturam prænuntiant mammæ sororiantes, lumborum gravitas,
dolor coxendicum, spontanea artuum lassitudo, ciborum fasti-
dium. Hæc symptomata brevi fugat manans ex utero sanguis,
puellamque toro prorsus habilem efficit. Menstruâ quæque pe-
riodo, pari stipatus comitatu, effluit redundans humor sanguineus, donec utero
gerat mulier; tunc ut plurimum cessant Menstrua, humorem superfluum matri-
que inutilem in sui nutrimentum absorbente sætu. At parum esset naturam non
nato infanti providisse, nisi & adhuc à matre recentis molitudini accommodatum
parasset pabulum. Illud est mammarum munus. Ut primum è carcere materno in
auras prodiit tenellus homuncio, protinus non jam distenta amplius uteri fornix
constringi, vasa ipsam alluentia ad nativam redire diametrum, contenti humores,
hinc Lochiorum nomine foras emitti, illinc retrò conversi vicina latè loca disten-
dere, turgescere uberiori sanguinis copia arteriæ Epigastricæ, appellenti per sibi
copulatas mammariarum internarum ramificationes sanguini fortius resistere, ille
per ramos ipsimet mammarum substantiæ prospicientes ferri copiosius, illos am-
pliare, mammæ hinc dolere & intumescere, hinc lacteus humor à sanguine separari,
primis à partu diebus dilutior, spissior deinceps evasurus, cum sensum sine sensu
laxatâ mammarum compage, spasmus & dolor remiserint, amplioresque caseosis
& butirofis partibus patebunt viæ. Lac tali secretum artificio quantum puerulo
conveniens est alimentum, tantum matri omnino est inutile, quin etiam ejusdem
sanitati infensissimum, nisi eadem emulgeatur, quâ fecernitur proportionem. Can-
didos igitur latices tenero vagitu efflagitanti puero surdas ne præbeat aures mater
puerpera, ipsam pudeat, à feris sylvestribus materno in natos amore superari. At si,
vel feris ipsi feriozem, nulla propriæ prolis tangat cura, sibi met ipsi saltem con-
sular. Ocyus infantulo fugendos denudet lactei roris eburneos fontes, firmiorem
indè sibi cerdè comparatura sanitatem. Illud enim saluberrimum esse nullus inficias

Auctore M. Theodoro Baron, D. M. P. An. 1741.



19
ibit, cujus beneficio, foras amandatur humor materno corpori inutilis, qui tunc in vasis excretoriis commorando, tum ad massam sanguineam revertendo, morbis curatu difficillimis daret occasionem.

I I.

EA est humani corporis structura, ut necessitate quâdam mechanicâ, variî à sanguinis sinu secernantur humores. Illorum ad servandam valerudinem maxima utilitas. Si quâcunque de causâ debitis in locis separari cessaverint, numerosa statim præstio est ægritudinum cohors. Num erectissimo laborat glandulosa renum substantia? haud mora muriatico humore inquinatus sanguis totum genus membranaceum falsitudine suâ pungit, vellicat, inordinatos trahit in motus, urinam redolentia æger vomitu rejicit, delirat, convulsionibus universum quasi ut corpus, mors tandem succedit miserrima, nisi artis beneficentissimæ auxilio, urinæ per renum colatoriam restituatur secretio. Num obstructis quoquo modo, tendentibus ad hepar venæ portarum ramificationibus, bilis impeditur separatio? æger fastidit cibos, ingesta malè concoquit, Alvus siccet, os amarefcit, lotium croceo colore infectum redditur, Erysipelate, aut etiam Pllegmone foeda ur cutis. Adeo massæ sanguinæ permisos remanere varios humores periculosum! nec minora sanitati imminet damna, ubi ex aliorum consortio extricatus humor quilibet (negato exitu) propriis hæret in conceptaculis, vel indè à vasis lymphaticis exfugitur ad sanguinem deferendus. Quoties ab intempestivâ perpirationis insensibilis suppressione, lævissimis Rheumatismi doloribus, torquentur membra, atrocissimis Podagræ cruciatibus divexantur articuli? Quot ab eadem causâ repetendæ Pleuritides, Peripneumoniz, Diarrhææ, febres catarrhales, Anginæ, Ophthalmiæ? Quot ægros tumulavit latex urinosus, in corpore retentus aut à vesicæ Paralyti, aut ab ejusdem sphincteris contractione spasmodicâ, vel etiam à calculo urere is viam claudente? Quantas sæpè parit tragædias, in jecore secreta bilis, liberum per ductus hepaticos iter non inveniens? Quin & ipsarum sæcum in intestinis remora gravissimos nonnunquam efficit morbos, hæmorrhagias, vertigines, hemicranias, dolores colicos, passionem iliacam. Numquid non à suppressis mensibus funestissima pullulant aliquando quæ mulieres adoriuntur mala, hæmoptysis, vomitus cruentus, hysterica passio, comatosi affectus, convulsiones, cordis palpitatio? numquid impeditus in puerperis Lochiorum fluxus, Apoplexias quandoque non producit lethiteras, crudelia ventris tormina, immanes Cardialgias, uteri inflammationem, aliaque horrenda generis ejusdem symptomata? Quisquis igitur tranquillos absque dolore soles condere expetit, institutam à naturâ variis in organis humorum separationem ferri non sinat: hanc convenienti sex rerum non naturalium usu promoveat; grande credat piaculum, secreti cuiuslibet et humoris ab organo secretorio effluxum omni operâ non adjuvasse, illudque habeat tanquam causam plurimum morborum frequentissimam, quos præcavere longè facilis est quàm expugnare.

I I I.

QUEMADMODUM à secundo ad septimum usque circiter ætatis septenarium, mensum fluxu carere tutò nequit sæmina non prægnans, ita & matrem impunè ab infantum nutritione discedere difficillimum est. Eadem lactis quæ Catameniorum materia, quæ lactant mulieres per iterum non repurgantur, id saltem rarò contingit. Uterque humor in corpore muliebri superfluous. Illius egestio ab uteri peculiari fabricâ pendet, alterius ab infantis sudu perficitur. Quot & quantos matri impendentes averrat morbos ab ejus ubere pendens puerulus, ostendit natura lactis attentius considerata. Triplex lac constituit substantia, aquea, & serum audit; salino terrea, caseum dicunt; oleosa tandem, quæ

3

butirum nuncupatur. Quiete diuturniori secedunt ab invicem heterogenea hæc lactis principia. In excretoriis mammarum non lactantium tubulis quiescit lac. Quid inde? triplicem resolvitur in substantiam. Oleosa sibiimet permixta acris sit & rancia, continentia vasa stimulat, erodit; tum vasorum lymphaticorum ope (numerosa in mammis reperiuntur) ad sanguinem reiecta, motuque circulari abrepta, accenditur, æstuat, alios humores exagitat, febres parit inflammatorias. Aquea pars utpote fluidior, massam sanguineam rursus ingreditur, per renes amandanda, quandoque sub seri tenuioris formâ papillis exit. Quid interim de caseosâ parte? fero in dies spoliata, crassescit, induratur, in tubulis Galactophoris congeritur, gypseam æmulatur soliditatem, uno verbo in schirrum degenerat, hinc vicina comprimuntur vasa sanguifera, hinc impedita in mammis circulatio, hinc inflammatio, suppuratio, cancer exulceratus letho sæpius finiendus. Quò quis humor à sanguine separandus, circulationi minus idoneis & crassioribus constat partibus, eo intra sanguinis massam hunc retineri periculosum magis. Talem esse lactis indolem per se patens est. Quantis itaque ægritudinibus non lactantes foeminas plethi necessum est? præterquam quòd superfluo ac inutili humore non liberantur, sicque ipsis metuendi sunt quotquot à plethora natales ducunt morbi, ille est insuper lactis genius, ut facillimè spissescat & grumos agat: plethoræ igitur adjunget se comitem Cacoehymia. Qualis porro Cacoehymia species? cænosa & lutulenta humorum Diathesis, fluiditatis inimica. Lacteò humore luxurians sanguis, omnes vitia bit secretiones, hærebit in capillaribus, mille pariet obstrukciones mox daturas progeniem vitiosiore, in

I V.

HACTENUS ratione stabilitam de noxis ab effuso (ut vocant) lacte sententiam, heu frequens nimium, ulterius confirmat experientia. Decumbentes à partu adeamus non lactantes puerperas. Dictu horrendum, quam multa, quam crudelia, quam pertinacia, ipsas undique circumveniant incommoda! Modò vultum occupat Erysipelas, inde tumet facies doletque, scintillant oculi, pulsant tempora, lancinans adest capitis dolor, totidem retenti intra molem sanguineam lactei humoris partus infelices. Modò lymphæ lentior facta, hic & illic moras nectit, cumulat in glandulis, tumores gignit durissimos, Parotides, strumas, schirros. Modò impatibiles non lactantium temora distrahunt dolores, ingensque incedentibus facessunt negotium. Alàs incarcerationum in matris corpore, recens nati alimentum præ calore expanditur, febresque accendit varii generis, quas inter exanthematicæ omnes, præsertim quæ purpurata dicitur, sive rubra sit Purpura, sive alba, magnoperè pertimescendæ. Clinicis notissimum est, lacteum succum passim per viscera & artus vagantem, abscessus aliquandò generare periculosissimos non nisi ferro debellandos, quibus in speciem sanatis, alii non deficient pari arte oppugnandi, sæpiusque cum pari successu Nonnunquam ab ingrata matre poenas repetit pleuritis gravissima, illam exaurit fluens alvus, confodit penè atrox intestinorum inflammatio, molesta angit suffocatio. Quandoque ipsius lactis afficiuntur receptacula, quibusque deliquit, in iisdem potissimum partibus multatur parens inhumana, mammas varii infestant tumores, ulcera deturpant, cancri exedunt. Est & ubi in mali partem trahitur uterus, taboque & sanie diffuit humani generis officina. Hæ sunt quæ secum Galliis intulit pestis, prolem non lactandi mos pessimus. Tot procellis jactatam non vivunt vitam illarum regionum mulieres, apud quas naturam sequendi ducem maxima religio, vetat infantes conductitis mammis alendos tradere.

ATTAMEN, inquires, multæ sunt non lactantes sæminæ quæ optimâ fruuntur
valitudine. Quid ad nos? si partu frequentissimo fatigant tandem illarum
vires, solidorumque frangatur elater, undè proles numerosa quidem sed debilis,
utpote infirmo in corpore generata. Hæc vitant incommoda quæ prolem nutriunt
matres. Ita enim est statutum à naturâ, ut Veneris præmia rarissime ferant nutrices.
Uterum agro non ineptè comparaveris, non secus ac agri interpositâ quiete non re-
parati, effecti fiunt, rarumque emittunt segetem, uterus pariter non intermissio
partu exhaustus, concreditum sibi malè educat hominis germen. Quandiu lactat
mulier, amissum uterus recuperat tonum novæque accipit vires, ut pulchrâ sanâ-
que prole rursus beet parentes. Procul hinc malefana quorundam consilia, qui se-
xui (haud dubiè colendissimo) blandiendo nimis, ipsum crudeliter enecant. Quid
molestius, inquirunt, quàm clamores inter & ejulatus infantis, vitam trahere? Quid
tædiosum magis quàm puerulum ulnis continenter gestare, ipsiusque ad ora pa-
pillas identidem admovere. Egregia profectò difficultas! Quasi verò huic quoque
rei maximè subventum non esset a naturâ. Hæc quippe tantam maternis animis in
natos caritatem insevit, ut quicquid prolis causâ susceperint, nedum cum tædio
& molestiâ, quin etiam incredibili cum gaudio illud aggrediantur; imò visæ sunt
primiparæ quas ex avulsâ prole, alienis uberibus nutriundâ, moeror extulit incon-
solabilis. Sed dicant vicissim, num satius est torqueri morbis periculosissimis?
Num gravia sunt minùs gestationis incommoda, cibi fastidium, Pica, Malacia,
absurdorum appetitus, Cardialgia, Nausea, Vomitus, Stranguria, Dysuria, Te-
nesmus, Hæmorrhoides, crurum inflatio & indè subsequens difficilis progressio?
Verùm insurgunt alii, adsunt rationes quibus præcaveantur noxæ ab effuso lacte
oriundæ, aut etiam ejusdem impediatur effusio. Felicem utinam sortirentur effec-
tum tot adhiberi solitæ in non lactantium morbis, evacuationes omnis generis.
Præterea nonne insipientis est morbum etiam curatû facilissimum consulto admi-
nisse, qui facilissimo declinari poterat negotio? Ergo canibus ultrò offerent mam-
mas mulieres, quas infantibus denegârunt? talia meminisse horret animus. Urgeß
adhuc, debilioris sunt temperamenti urbanæ matres, quàm ut illarû sanitatè
tantam perferre valeant evacuationem, quantam solent experiri lactantes; com-
pertum enim est experientiâ nutrices quasdam duas lactis libras quotidie emit-
tere. Apagè erroneam opinionem, debilitas illa non aliundè provenit, quàm ex
eo quòd materna non fuxerunt ubera, sed & ipsi optimè medetur infantum nu-
tritatio; hujus enim ope foras emittitur humor qui mole suâ gravaret partes,
huic oneri ferendo præ suâ mollietie impares; & id adeò verum est, ut inter
sæminas non lactantes, illæ gravius ægrotent quæ vitæ, ut ita dicam, donantur
valetudine. Malâ igitur non amplius utantur matres consuetudine, eoque majora
sibi ex prolis lactatu spondeant emolumenta, quòd diù eas nutriendi infantes
cura tenet, nec mensis opiparis accumbendi, nec in seram noctem coenas pro-
trahendi tempus superest, sicque permultas morborum effugient occasiones,
Quid plura? Concludamus:

Ergo prolem lactare Matribus saluberrimu.

Proponebat Parisiis FRANCISCUS-NICOLAUS SIMONNET, Parisius, in
Supremo Senatu Patronus, nec non Saluberrimæ Facultatis Medicinæ
Parisiensis Baccalaureus. A. R. S. H. 1777.

A SEXTA AD MERIDIEM,